

ქალაქ თბილისის საკრებულოს

გადაწყვეტილება №16-54

2012 წლის 28 დეკემბერი

ქ. თბილისი

„ქალაქ თბილისის საკრებულოს რეგლამენტის დამტკიცების შესახებ“ ქ. თბილისის საკრებულოს 2011 წლის 25 თებერვლის №2-14 გადაწყვეტილებაში ცვლილების შეტანის შესახებ

„საქართველოს დედაქალაქის – თბილისის შესახებ“ საქართველოს კანონის მე-12 მუხლის „ა“ ქვეპუნქტისა და „ნორმატიული აქტების შესახებ“ საქართველოს კანონის მე-20 მუხლის შესაბამისად, ქ. თბილისის საკრებულომ გადაწყვიტა:

მუხლი 1

„ქალაქ თბილისის საკრებულოს რეგლამენტის დამტკიცების შესახებ“ ქ. თბილისის საკრებულოს 2011 წლის 25 თებერვლის №2-14 გადაწყვეტილებაში (სსმ, 14.03.2012, 210020100.36.101.016032) შეტანილ იქნეს შემდეგი სახის ცვლილება:

1. გადაწყვეტილების მე-17 მუხლის პირველი პუნქტი ჩამოყალიბდეს შემდეგი რედაქციით:

„1. ქ. თბილისის საკრებულოში საკრებულოს უფლებამოსილების ვადით შექმნილია საკრებულოს სარევიზიო კომისია და შემდეგი მუდმივმოქმედი კომისიები:

ა) იურიდიულ საკითხთა;

ბ) ქონების მართვისა და საფინანსო-საბიუჯეტო;

გ) საქალაქო მეურნეობის;

დ) ჯანდაცვისა და სოციალურ საკითხთა;

ე) ურბანული დაგეგმარებისა და ძველი თბილისის რეაბილიტაციის;

ვ) ადამიანის უფლებათა და საზოგადოებასთან ურთიერთობის;

ზ) განათლებისა და კულტურის;

თ) გარემოს დაცვის;

ი) ეკონომიკური განვითარებისა და საინვესტიციო პოლიტიკის;

კ) სახელდებისა და სიმბოლიკის;

ლ) სპორტისა და ახალგაზრდულ საქმეთა;

მ) საერთაშორისო ურთიერთობების.

2. გადაწყვეტილების 42-ე მუხლის პირველ პუნქტს დაემატოს შემდეგი შენაარსის „ფ“ ქვეპუნქტი:

„ფ) გადაწყვეტილებას იღებს საკრებულოს ცალკეული წევრის, საკრებულოს აპარატის უფროსის, აპარატის საჯარო მოსამსახურეთა და საკრებულოს დელეგაციის სხვა სახელმწიფოში მივლინების საკითხთან დაკავშირებით, ასევე ნიშნავს საკრებულოს დელეგაციის ხელმძღვანელს.“.

3. გადაწყვეტილების 46-ე მუხლის მე-2 პუნქტის „ვ“ ქვეპუნქტი ჩამოყალიბდეს შემდეგი რედაქციით:

„ვ) გადაწყვეტილებას იღებს საკრებულოს თავმჯდომარის სხვა სახელმწიფოში მივლინების საკითხთან დაკავშირებით;“.

მუხლი 2

გადაწყვეტილება ამოქმედდეს გამოქვეყნებისთანავე.



